

國朝閨秀正始集



國朝閩秀正始集卷十八

完顏暉 珠珍浦輯 女孫妙蓮保校字

潘素心

字虛白浙江山陰人知州汝嫻女詹事汪潤之室著有不櫛吟○按潤之字兩

園嘉慶辛酉進士有文名余耳虛白詩名久矣嘉慶庚午始得識面嗣是隨宦汝陽蹤跡遂疎虛白從宮詹宦游閩滇舟輿往來五萬里所經城郭江山風俗皆見之於詩父任廣昌時使筦會計雖牙籌縱橫不廢吟咏嘗有句云鏤管牙籌隨仕宦盤輿畫舫度關津宮詹下世後僑寓都門親課諸子道光乙酉三子同捷京兆其明年仲成進士入詞林辛卯秋五子又舉孝廉鵲起聯翩熊丸濟美不僅爲科名佳話也

王文成誓師處

樟樹鎮

正始集

卷十八

紅香館

師是何人誓陽明一代豪人皆宗理學我獨重勳勞藩府窺神器文臣掛寶刀而今樟樹鎮江水去

滔滔

重陽寄外

春月牽衣別菜萸又暮秋恐教妨壯志不敢訴離憂姑老猶無恙兒癡未識愁燕臺翹首處心切大

刀頭

麟見亭世講以母暉珍浦夫人所繪紫薇夜

月便面囑題因成二律卽呈珍浦夫人

早歲聲華到鳳池傳經曾奉母爲師風前柳絮懷
人久畫裏桃花識面遲殘鬢幾沾炎徼雨清譚還

惹故園思莫嫌咫尺緣慳甚詩酒相邀會有期甲子

歲澹音爲余乞夫人畫碧桃便面乙丑澹音南歸
丁卯余復有滇南之行今春回抵都門夫人見訪
始得識面言隨宦家鄉寓居山陰一載深悉風土
今澹音隨任津門余曾書訂來京并邀夫人作閨
中詩祗澹音以事
不果遲其約故云

薇省曾開官樣花丹黃渲染一枝斜禁中謝朓吟
紅藥座上宣文擁絳紗定許文章能報

國由來風雅屬名家生憎他日驪歌唱又向春明

正始集 卷一 八 二 紅香館

送客車 夫人來歲復
將隨宦出都

金銀花

去歲移根種已成花開香入夏風清未能買得春
光住枉向人閒受此名

司馬長卿

一曲琴聲兩意投當爐貰酒不知愁相如空有長
門賦却使文君嘆白頭

已丑春日寄祝珍浦太夫人壽

憶昔論交日於今二十年苔岑同結契蕊榜快登

先薇省聲名早金閨絕藝傳
詩因欵洽讀畫許

周旋道義稱相得襟懷出自
然蒲鞭懸魯國絳帳

設聞天春樹思彌遠江雲夢
屢牽鯉傳三尺素蘭

贈一枝鮮

夫人曾爲余寫芳
蘭小幅以誌蘭交

畫戟猶東駐星軺記

北還官齋憐舊雨詩冊寄新
編忽召芙蓉主偕歸

兜率仙餘生嗟此劫夙業悟
前緣久矣徽音隔俄

聞宦跡遷治河籌策備安汎
藉功全寄旅憐猶子

歌風笑末員

四兒承慶荷令嗣
見亭觀察保薦

深恩滋雨露小草

荷陶甄正始彰風教崇儒闡
性詮授經慈母範報

正始集 卷十八

三

紅香館

國蓋臣賢才備原宜福心清
更問禪西池增鶴筭

北極降鸞屐芝草庭階茂桐
枝奕葉延登堂難縮

地獻句頌開筵蓬島桃初熟
中州月正圓京華翹

首望光映婺星躔

潘正心

字亞白虛白妹諸生
俞某室著有愛日吟

父命檢律例

漢家青史內約法止三章後
世民多黠

熙朝律更詳吏能滑上下官
莫任低昂吾父歸田

久閒來考數行

和虛白姊歸寧韻 錄二

自小同巢燕分飛各有家吳頭還越尾姊字於杭地角

又天涯之京之滇雖得音書寄無如道路賒一朝來聚

首悲喜兩交加

故里魚軒賁鳴鉦負弩時人皆稱大位姊婿視學福建姊隨

往我獨重新詩老手無凡艷終身有孝思臨歧猶

戀戀夜半上船遲

黃玉蘊字素芳江西廣昌人饒某室○素芳年十九而寡無子以苦節稱姊玉潤字連

城亦工詩

正始集 卷十八

四

紅香館

寄潘虛白女公子

千條楊柳宿愁新滿地梨花又暮春無那癡心妒

明月等閒常得伴佳人

六句述懷

少年勵志矢艱辛刀尺聲中度此身雙手未停頭

盡白怨天不敢敢尤人

北望燕京路幾千可憐白骨葬荒阡一盂麥飯無

人奠意慘魂消四十年

王韞徽

字澹音江蘇婁縣人知府春煦女鹽太使揚紹聞室著有環青閣詩稿○按春

煦字治山乾隆乙未傳臚以詩名澹音克
承家學工詩善書嘉慶癸亥曾以扇囑余
畫弁親書詩扇相贈至今
什襲藏之而實未謀面云

夜雷雨交作晨起偶成長句質外

却暑一兩三日前作詩誌喜書蠻箋薄雲朝來障
紅日清風無復鳴朱絃夜闌登榻強宴息恍惚有
聲喧枕邊華胥境好不得入却步已破幽窗眠電
光閃爍開倦眼驚心四壁金蛇穿雷聲如擊九霄
鼓雨勢欲傾三峽泉我疑神龍或他出倩客行雨
操其權馬上率意不計點天瓢翻却無餘涓晨興
正始集 卷十八 五 紅香館
開簾水滿地簷溜滴滴如珠連側聞京師苦亢旱
民多時疫相糾纏

至尊下詔求直諫廟堂陳策齊羣賢願分甘霖潤
枯竭海隅徧灑酬無偏雷霆疾驅疫鬼散閭里豐
稔歌 堯天我家本出清白後世業但遺書百篇
偕隱既無三徑宅歸耕更乏十畝田爲貧謂當事
薄宦一官匏繫空留燕才疎意拙徒自苦十年需
次貧依然硯田焦乾難種植筆耕枯澀徒憂煎兒
饑女嗁坐少策吟詩那值一囊錢吁嗟反不如農

圃力耕猶可逢豐年

荊州道中懷古

羣山高拱大江流形勝相傳列九州千古詞章開
屈宋三分事業創孫劉猿嘯巴峽通雲棧雁度衡
陽近荻洲欲弔二妃何處所瀟湘咫尺洞庭秋

病坐口占

風木銜哀淚未停經年疾困改常形藥烟一縷時
凝碧柳線三眠又放青病眼頻揩因課子愁懷暫
解爲添丁仲春廿一日侍
妾再索得男朝來強起還臨鏡湯餅
正始集 卷十八
六
紅香館

安排客到庭

述懷寄少桓嫂綺思妹

十口蓬飄寄海濱一官匏繫困風塵得歸三徑談
何易始覺淵明尚不貧

嘉慶癸亥

詔楚省盡瘁王事諸臣照例議卹先君子蒙加道

銜予祭葬廕一子入監感

恩述事恭賦三十二韻

七澤萑苻警諸臣戮力時先人方守土山郡適當

危地瘠城難固兵單賊易窺連江鼙鼓震突騎羽
書馳雞犬聞聲怖闔埤仗力支懸金募勇士列帳
建牙旗刁斗喧宵擊矛鋌亟晝麾咽喉居要隘肝
膽賴同披決策嘗多算持籌屢出奇一方憑保障
數載佐王師餉饋無虞乏軍需詎敢遲荆南巢已
覆蜀北蔓猶滋侵境更番擾防邊到處移沙蟲憐
徧化風鶴輒生疑落日哀笳響秋霜斷角吹干戈
無定止老弱苦流離欲振蒼生厄都忘白髮衰愛
民違自恤報國敢云疲未覩餘氛淨俄成盡瘁悲
正始集 卷十八 七 紅香館

痛心徒欲絕泉路邈難追愴惻招魂賦淒涼墮淚
碑過車多巷哭流恨滿天涯遠道歸靈櫬長江返
總帷林泉空夙願風木永遺思昨有巴山客經過
楚水湄猶聞閩社祝仍詠惠渠詞卽日檜樓掃如
天雨露施太平今告

廟

褒錄錫崇詞

恩已光泉壤榮還振弱枝感深翻涕泣念往更嗟
咨德政民能誦孤忠

帝自知可憐惟寸草無以答深慈

王崑藻

字綺思韞徽妹諸生陳炳室著有挹翠軒稿

鵲巢爲風所墮感而賦此

有鵲有鵲攜雛來營巢近托庭前槐高枝旣免蚍
蜋伺密葉那怕鷹鷂猜廣庭風日殊清晏高處棲
身得安便出幽應傲谷中鶯借蔭還嗤堂上燕商
聲聒耳何才騷衝颺併力催枯條忽看斗大眼前
落從前架構徒堅牢雄飛雌散須臾裏巢破應無
卵完理縱工趨避亦何爲太歲空勞辨方位吁嗟

正始集

卷十八

八

紅香館

乎世閒萬事先機中穴居知雨巢知風高明鬼瞰
誰知保事後悔生苦不早君不見鷓鴣深林只一
枝鷺鳩捨地愛卑飛又不見隼上高墉公用射示
戒明明在周易

將歸感作

十載天涯寄江鄉路四千關河勞遠夢烽火苦連
年歸計今才決餘生轉自憐彝陵景蕭索回首益
悽然

沈在秀

字岫雲江蘇高郵州人運使業富女知府裴正文室著有雙清閣集

題周節婦落花詩冊

秋風陣陣搖庭木雁啖蛩吟時斷續窗前倚案復
挑燈展君詩卷迴環讀卅首新編感慨深薔薇露
浣頻薰沐詞內初看句似金閨中未覩顏如玉欽
君志節重君才造物從來每忌猜黃鵠白頭同有
歎花殘月缺總成哀比翼蓮枝奚足羨光陰倏忽
如飛電塵緣那得似仙緣雙星歲歲恆相見九十
韶華嗟太速鶯囀燕語猶頻促青帝何因薄倖多
雨師風伯無拘束風欺雨妒任摧殘萬點飄零不
正始集卷十八 九 紅香館

忍看蝴蝶夢中香黯淡鴛鴦機上錦闌珊無計留
春爲花惜拍徧闌干春寂寂世間何物是長生撫
罷殘紅空一碧紅顏薄命感於斯冰雪聰明蘭蕙
姿一片芳心無限恨商量都付落花詩

白雁

玉關飛度淨無痕帶雪銜蘆迥不分愛潔豈隨鴉
鵲隊忘機應洽鷺鷗羣一行淡寫銀河影幾點疎
添碧漢雲此去瀟湘明月夜冷冷清怨不堪聞

方

氏

安徽亳州人梁俊業室。俊業早亡
只遺一子甫四齡而天氏以身殉

絕命詞 錄二

微生豈不戀庭幃轉覺鴻毛寄命非聞說殉夫同
殉國太真曾碎老萊衣

寄語家園弟與兄等閒聞變莫相驚孔仁孟義曾
爲讀此事從容自在行

史瑤卿

字玉亭浙江石門人巡檢鄭銑室著有銓香閣梅隱閣集

任城懷古

任城城外草芊綿目極芳郊落照邊千樹桃花紅
似錦一湖春水碧于烟背溪殘碣懷工部跨郭層

正始集

卷十八

十

紅香館

樓憶謫仙自古詩才推李杜千秋輝映舊山川

許

珠字孟淵江蘇吳江人布衣吳煥室著有蕙芭吟稿○孟淵爲女史丁素娟女紳

有母風兼擅繪事尤工操縵

落葉

一年一度惜摧殘風勁霜嚴併作寒秋館一鐙聲
在樹客心千里曉憑欄馬蹏曲徑黃初隕人影斜
陽綠半乾不敢捲簾新病起模糊誤認落花看

偶見

隨風何蕩漾貼水更圓勻不見浮萍草焉知聚散

因

孔昭蕙 字樹香浙江桐鄉人庶吉士朱其鏞母

題樹芳姪女遺稿

宋艷班香擅一時閨中才調竟誰知銀鈎小楷原

過妹 二姪女愛竹亦善書工詩錦字珍藏却有見似此長吟應

迸淚滿懷幽怨只憑詩酬恩佇看階前玉他日瓊

林秀一枝

李佩金 字初蘭江蘇長洲人府丞蔡女孫諸生何仙帆室著有生香館詩鈔○按蔡字

滄雲乾隆辛卯進士有才名初蘭詩學俱乃祖親課成之

正始集 卷十八

十一 紅香館

夏夜納涼有懷

晚雨收殘暑輕粧淡掃蛾蟬聲吟露葉螢影度風

荷紈扇裁明月湘簾捲碧波相思人不見千里渺

愁何

秋雁

無端燕市起悲歌帶得商聲又渡河千里歸心隨

月遠一年愁思入秋多水邊就夢雲無影天際驚

寒夜有波屈宋風流零落盡那堪重向洞庭過

誰倚高樓一笛橫憑空吹落苦吟聲能鳴未必真

爲福有跡多嫌累此生入世豈容矜繳避就人終
覺羽毛輕越鳧楚乙從題品識字何曾爲近名

病懷

斗室圍香寶鴨温悄無人處掩朱門曉風瘦盡桃
花影夜月曉殘杜宇魂萬事如雲無定所三春似
夢不留痕愁根暗共花爭發惆悵閒庭烟雨昏

驛柳

白下門前萬樹稠天涯還見綠陰留春闈別恨風
前思故國殘陽笛裏秋十里遠籠江店月一帘高
正始集卷十八

七

紅香館

颺酒家樓年年古道傷行役搖落關河滿目愁

郭文貞

字恕宣河南新安人教授衛大壯室○
恕宣解繪事工大草曾贈余書畫合璧
冊草書揮灑奇妙
殆可追仿板橋

手爐

幾費黃金鑄雕鏤製倍新一爐調令序雙袖籠陽
春雪案時相伴年華老更親椒蘭添仔細繞指瑞
香勻

朱文毓

字秀甫號旦華江蘇
上海人諸生王鉅室

撫孤甥

再死誰憐汝相攜更痛心呱呱嗷不止猶是姊聲

音

熊象慧

字芝霞安徽潛山人知府象階女弟知縣吳杖室著有芝霞閣集哀猿吟

雨後望巫峰

遠山雨過一番新
煖日微烘氣自春
雲起半腰如東素
淡妝依約學佳人

蜀道

一重更上一重天
天下高高斷復連
忽見平疇流水緩
不知身在萬山巔

正始集

卷十八

三

紅香館

外納妾戲贈

我見猶憐髮最長
目迷五色笑檀郎
從今洗耳聽獅吼
盧扁難傳止妒方

十年望子愁中過
半世癡心已盡磨
但願長庚真箇降
爲君親製錦綉多

項

字香芷浙江錢塘人諸生張應彪室知縣穎元母著有盼怡樓稿

題茹夫人梅月圖

一自離鸞後難聞
寡鶴歌白華
今有養古井
舊無波
香比梅花淡
清分月色多
畫圖傳苦節
風雨不

消磨

春水

臘雪消已盡
涓涓水滿塘
綠搖芳草嫩
紅漾落花
香送客篙三尺
懷人鏡一方
最憐桃葉渡
日日映

斜陽

小春寄外

客中遊賞興
何如曾寄雲箋
問起居
秋水舫移殘
照後孤山梅
探放花初漫
憑紙帳尋
姓鹿好疊牙
籤學蠹魚一語
寄君須著意
歸裝多帶未
看書

正始集

卷十八

十四

紅香館

夜讀隨園女弟子詩

白鳳才生不恨遲
吟情未合許公知
嫌他金屋薰
香句錄入倉山唱和辭

俞杏貞

江蘇金匱人
御史肯堂女弟
○按肯堂
字東隱與大兒麟慶同舉進士能文善

書杏貞幼字諸生金蘭未嫁
而蘭卒聞訃日絕食殉之

過露筋祠

遺烈傳千古
聞名似讀銘
墜膚空幻相
屹石護貞
靈未見野蓮
白惟傷沙草
青崇祠留砥
柱多少女

郎經

虞叶繁

字佩祁江蘇金壇人。中書顧諱綬室。著有藤花閣草。佩祁爲女史劉撰芳女稟訓慈闈詩筆新雅惜早世未竟所學聞有妹爲沈鼎甫大理淑配亦工詩。

讀孟東野集

苦語出天真下筆忽驚眾不數賈浪仙名與昌黎
重泠泠在山泉清韻繞幽洞孤松自偃蹇羞與桃
李其所嗟時命乖寒甚誰擢用境窮句益工愁城
任馳縱一篇銅斗歌蘇髻幾吟誦

讀李昌谷集

風騷有變聲庾鮑羞學步搜奇破混沌豈畏真宰
正始集 卷十八 五 紅香館
訴生面開異境劇肝得神助天葩散繽紛艷思別
成悟秋風哭何爲文章造物妒極轉成愛玉樓
待其賦

吳繡珠

字蘊吉安徽涇縣人左都御史芳培女孫諸生郭蘭芬室著有絳珠閣遺草

和箭南兄歲暮雜感

多少名場失意人當年季子早遊秦倉公妙藥難
醫俗杜老奇才不救貧綠竹虛心原勁直寒梅傲
骨本精神終朝咄咄成何益且飲屠蘇待好春

野望卽事

輕風宕漾柳欹斜
流水橋邊三兩家
僻地人過驚睡鹿
平林秋老不藏雅
閒雲作意將成雨
野草無名亦著花
堪嘆酒帘最多事
依依勾引客愁賒

吳寶珠

繡珠妹

題姊絳珠閣遺稿後

一讀一悲酸挑燈仔細看
每逢情至語不覺淚闌

干

秦藹如

字岫雲江蘇江寧人諸生王焯室

絕句

正始集

卷十八

去

紅香館

花陰寂寂草萋萋
深院無人鳥自哢
金鴨一爐香未歇
夕陽紅到海棠西

友

菊 滿洲人知州永銘室○按永銘字雲樵與大兒麟慶同出蔡申甫學士之門

秋夜感懷

庭前槐葉落不復有鳴蟬
風露愁新雁衣衫著舊
棉剪燈依老母敲句憶當年
屈指中秋近樓頭月

又圓

送誠夫人之任雲南

握手又言別乘車出道周
君心苦行路我意怯登

樓到日梅迎臘長途桂送秋何時其燈火杯酒話
離愁

春日懷四妹

曉窗料峭怯風寒驛使梅花遠寄難春夢暗隨芳
草長不關多病懶加餐

久病留訣

休因死別重傷嗟電影流光生有涯善視諸雛卽
慰我莫教異日衣蘆花

呂氏 陝西長安人朱輔照室著有雙槐堂詩鈔

正始集卷十八

春閨

七 紅香館

日落春光暮含情獨捲簾飛花如有意片片近香
奩

舒姒 字嗣音安徽黟縣人薛可庵室著有綺雲樓稿

除夕

聽徧街頭爆竹聲春回小院夜三更也知歲盡無
堪守為等梅花坐到明

劉淑 字芳悵江西金谿人知州吳嵩梁室著
有蕙風閣詩鈔○按嵩梁字蘭雪以詩
名芳悵琴瑟倡酬人稱嘉耦小姑素雲舍
丹青為寫蘭蕙同芳卷子遂名其櫺曰同

芳一時傳
爲佳話

次外石溪看花

庭院春陰閉湘簾晝不開尋詩向何處微雨恰歸
來小榭攜珠釀輕衫拂翠苔滿身蝴蝶粉知是看
花回

詠芍藥

殿春花好放偏遲紅到庭西第幾枝不肯移栽妝
閣畔嫌他名字是將離

蔣

徽字琴香號石溪漁婦江西人知州吳嵩
梁繼室○石溪漁婦工山水筆致蒼秀

正始集

卷十八

丈

紅蒼館

與劉芳悰
後先競美

題潘伴霞漱芳閣詩稿

小謫三湘亦俊游綵鸞寫韻有高樓恠來詩思清
於水玉女盆曾借洗頭

李

承字貞久山東歷城人諸生
余奎元室著有秋蛩吟

暮春

春風翦翦弄芳菲滿地梨花靜掩扉欲向窗前拈
一片恐驚蛺蝶過牆飛

王文淑

貴州開泰人○氏所適非偶以博蕩產
有富家子窺氏美而才誘其夫鬻以抵

債氏不從以刀毀面乃免遂
大歸夫死氏仍收其尸葬之

述志

人生爲女子締緣有定分盛衰不可渝持躬貴淑
慎奈何林下賢亦抱王郎愠

吳咏咳

江蘇長洲人諸生蔣麇
燠室著有白槍里吟稿

新柳

隔堤剛剪綠絲絲弱欲人扶起較遲蘸水初添新
黛色搭欄未減舊腰支兩三點雨嬌開眼一二番
風恨上眉奈此丰姿偏有限分明張緒少年時

正始集

卷十八

五

紅香館

年年春水漲沙汀幾日東風舞未停細雨鶯聲離
別路夕陽人影短長亭灞橋漸漲三分綠驛館新
添一抹青此後沿堤攀折苦溪邊藏個釣魚船

王靜儀

字雪艷江蘇太倉州人縣丞輅女
巡檢吳毓華室著有萍上聯吟

春柳

又看瘦影蘸清流攀折殘痕半已稠古渡有人剛
繫馬深閨此日怕登樓乍諳舞態風偏軟解縮離
情力尙柔回首汴河春正好長堤不斷翠烟浮
一種風流態自矜東皇雨露最先承新垂灞岸春

愁亂唱到陽關別思增幾處遂聲江上起誰家眉
黛鏡中疑等閒總爲鶯花恨金縷歌殘意不勝

細膩風光二月天曲欄杆外畫樓前生來弱質愁
偏重占盡芳姿恨總牽舞態低徊腰一捻眉痕清
淺月初弦同時桃李休相妒大道垂垂更可憐
眠起東風喚乍醒鶯聲啞啞倍堪聽一行疎雨遲
游騎十里晴烟認短亭折到長條應感慨呼來小
字記娉婷天涯多少勞勞客過眼輪蹄爲底青

朱文娟

字吟梅江蘇長洲人
某室著有聽月樓詩

正始集

卷十八

三

紅香館

荷珠

露分珠一斛顆顆落新荷映月晶瑩甚因風聚散
多碎看波面擲圓似掌心捏合浦應難覓鮫人淚
若何

錢惠尊

字詵宜江蘇陽湖人知縣陸繼輅室
按繼輅字祁生以詩名詵宜工書祁生
贈句有花貌應披一品衣句風致可想

咏庭柏

庭前有老柏歲久幹生癭風怒千尺濤月媚一庭
影嗟彼梁棟材值此寂寞境蕭然共歲暮人樹兩

清冷

題王澹首環青閣詩稿

抱玉人歸鬢欲絲廿年借隱願猶遲因君消我無窮悔行篋攜來幼婦詞

祁生自都門歸攜有見贈詩一幅

展卷已聞蘭氣息相逢定掩月光輝如何山上花無數只送香車緩緩歸

海棠詞

暮雨朝陽總不禁絲絲畫出美人心胭脂井底千年水澆得春愁爾許深

正始集卷十八

三

紅香館

邱掌珠

廣東順德人諸生士超女著有綠窗庭課

書嶺南閨秀詩後

天南煜離明文士得其半殘膏授綠閨粉膩爭炳煥今錄嶺南詩名媛喜璀璨繕存几案旁時時一把玩自恨學殖荒騷雅媿淹貫庭訓義有疑無人可問難閨閣寡交遊行不出里閨檻外聞嚶鳴求友聲相喚

黃雲鶴

字松筠江蘇吳江人王家榛室著有涵清閣詩鈔○松筠早寡以苦節稱

鶯脰湖竹枝詞

鶯脰湖中湖水清平波臺上曉霞明秋來米市連
香市絕似繁華小郡城

程元妹

號慈雲女史浙江錢塘人○慈雲工詩善書因幼字某生早塲守貞不字長齋續佛嘉慶丁卯與余晤於汪氏園中賦此相贈今二十五年矣展玩詩箋爲之撫然

贈珍浦夫人

相逢不道便相親自是深閨蘊藉人詠絮才高詩
絕俗簪花格瘦自生春佳章讀罷推先哲俚句拈
來步後塵自笑庸才非道韞願依蘭閣問迷津

吳柔之

字小裴浙江錢塘人知縣玉墀女狄小同室

正始集

卷十八

三

紅香館

寄外

飛蓬踪跡又天涯小別無端感歲華千里迢遙此
寒夜一般清瘦共梅花孤桐入爨聲難辨靈鵲占
歸信屢賒明月琴樽相待久紀遊詩卷向誰誇

馬師班

字誦昭江蘇無錫人教諭雲題女楊永齡室著有翠深小草○誦昭工詞賦善畫山水早寡無子以清節稱姊妹孟字誦光亦工詩字丁生權未婚守志尋以身殉

題誦光妹遺照

人生天地閒輕塵棲弱草孰能無死生智者自了
了吾妹幼懷貞齊肩索梨棗十三始學詩含毫音

綿渺十四工尺幅腕底擘雲藻素德既情情大義
更皎皎嗟乎生不辰所遇多顛倒春樹痛凋零連
枝折何早琴瑟未諧鳴鸞鳳分飛杳矢志凜冰霜
柏舟矢日瞰鬱鬱春復冬嗚呼竟早天訣別忽三
秋悲恨填懷抱此日對遺圖風雪青山縞竹節與
松貞伴爾孤魂悄慈母淚如麻思兒心如擣弱姊
裂肝腸哭君路渺渺迴颺激悲聲悽雨添煩惱我
亦未亡人數載嘗荼蓼欲從泉下魂弱息牽衣繞
重傷母氏心仰視孀姑老弔影歎熒熒形存如木
正始集卷十八
三
紅香館

槁吟詠久無緒苦語焉能好世有左鮑才莊嚴圍

七寶庶藉形管芬用作招魂旒

隨家大人登九龍山望太湖分韻得水字

十年作畫不到此九龍之山太湖水水涘山巔一
度尋到此翻看成畫裏秋光倒水萬丈清秋氣拔
山千尺紫秋人得得向秋邊煩爾秋雲扶屐齒畫
中作畫當更奇惜無十幅剡溪紙記取湖山一角
秋歸來圖稿挑燈起

瑞

芸

揮發納喇氏字馥齋滿洲人御史伊福
訥女孫○按伊福訥字抑堂雍正庚戌

進士以詩名曾選八旗
士女詩爲白山詩鈔

馮夫人嬾

錦車持節靖邊氛定遠應教共策勳却笑世人偏
重色琵琶祇解說昭君

張繡雲

浙江歸安人遊擊超羣女諸生唐晉鏢室著有女床山稿○按晉鏢字松雲能詩精醫曾參壯烈伯李長庚幕府出洋擊賊故習海防繡雲工琴聞母訃一痛而卒

弈

胸有甲兵藏燈花落草堂眼中分黑白局內莫蒼
黃生死關仙術安危屬智囊爛柯山下住歲月太

正始集

卷十八

七

紅香館

匆忙

七夕

新月朦朧水皺波曝衣樓上晚風和千秋文字天
孫錦百歲光陰織女梭碧漢無聲人夢遠藍橋有
路鵲功多今宵須乞長生術爪借麻姑藥素娥

鶴子

夢來赤壁是耶非黃口兒童便學飛滕下仙班和
靖宅眼前雪鬢老萊衣鳳雛伴聲相應烏哺難
酬願總違欲上揚州騎不得爲渠戀母尙依依

墨蘭

淡埽幽姿態自春
描成鳳眼早傳神
不須脂粉天然色
香草從來比美人

高

氏

山東膠州人辛從昭室著有塗鴉草

歸思

岩堯池上樓
倒影照清泚
憑欄望歸路
心入遠烟裏
徙倚向深夜
輾轉就床第
終夕不成眠
攬衣聊復起
仰看月在天
俯視月在水

席慧文

字怡珊江蘇吳縣人知府椿女同知石同福室

正始集

卷十八

五

紅香館

金鼓洞

十萬紫琅玕
冰霞洞壑寬
佩翻瑤草麗
衣襯碧雲寒
絳鶴千年篆
青童九轉丹
飛瓊如可作
攜手陟星壇

詩思

高

山東膠州人辛從昭室著有塗鴉草

然色香草從來比美人

淡埽幽姿態自春描成鳳眼早傳神不須脂粉天然色

墨蘭

國朝圍秀正始集卷十九

完顏暉 珠珍浦輯 女孫伊蘭保校字

黃友琴

字美心順天宛平人員外郎炳奎女庶吉士劉師陸繼室著有南濱偶存稿○

按師陸字子敬與大兒麟慶同舉鄉試精金石之學春秋佳日每與美心考訂文字

以為樂

書雅雨堂重刊金石錄序後 并引

李易安作金石錄跋時年已五十有二

國朝雅雨盧公重梓是書序中決其必無

更嫁事謂是好事者為之殆造謗如碧雲

正始集 卷十九

一 紅香館

暇之類數百年覆盆遂得昭雪自是易安

可免被惡聲矣詩以詠之

李氏本清門趙亦天族裔淹通敵儒冠文采茂儕

類詎踰就木年而違汎舟誓金為口所鑱葵竟足

不衛卓哉都轉公一語抉蒙翳披雲始見天漪雪

洵快事詞憐漱玉新圖愛打馬慧曠代有知已九

原當破涕

書史心玉貞女離鸞集後

淒風苦雨打窗溼若有人兮歌復泣怪底秋聲入

耳繁多因誦爾離鸞集憐爾生成明月身耶孃愛
護掌中珍祇宜紙閣蘆簾貯不是甘茶茹藥人如
何未舉齊眉案錦瑟將調絃忽斷驚傳河鼓掩寒
芒織女無期渡銀漢呼天一慟誓捐生忽聽耶孃
喚女聲回顧高堂雙白髮兒身敢比鴻毛輕鉛華
盡洗衣如雪衛女當年柏舟節三秋夜月一春花
都與愁人助悽絕新詩讀罷心悵快小小與君共
生長讀君此集爲君悲閒堦切切聞蛩響

偶成

正始集

卷十九

二

紅香館

地窄編籬小裊腰一徑斜菊英如我瘦柿葉助秋
華空外生寒籟雲邊隱暮笳飛蟲緣底事作響鬧
窗紗

次韻驛柳

錄二

道旁搖曳弄春晴慣折腰支解送迎別浦綠波殘
月影誰家玉笛曉風聲饑鳥乍去餘空壘老驥長
嘶有廢城莫效桓公今昔感依依悽斷漢南營

千株新綠憶揚州帶雨和風更惹愁紫陌含顰憐
送客翠樓凝望悔封侯遠避酒肆飄帘影低拂漁

磯映水流極目短長亭子外微黃楚楚又經秋

史璞瑩

字心玉江蘇江都人倉塲總督致儼女諸生汪彙樞聘室著有離鸞集○按致儼字望之嘉慶己未會元心玉幼字秀水汪生親迎有日而生卒心玉請於父母往

哭成服矢志貞守

和美心女史春日韻

連天草色綠無涯瞥眼韶光感物華幾樹陰垂春

已晚一鈎簾卷日初斜淒涼小院憐飛絮寂寞空

庭掃落花何事流鶯如有恨聲聲唬近碧窗紗

他他拉氏

滿洲人內閣學士圖敏女侍郎鍾昌室詰封一品夫人○按圖敏字時

正始集卷十九

三

紅香館

泉乾隆壬辰進士以詩名鍾昌字仰山鄉會聯捷皆與大兒麟慶同榜亦工詩夫人幼承庭訓性耽吟咏惜未存稿早卒子宗佑年未冠得此珍藏今以見寄其有志顯揚於斯可見道光辛卯竟舉孝廉

偶吟

沉沉畫閣涼如水紅杏碧桃三兩行月上窗紗風

細細收來花氣入衣香

竹經雨後添新綠花到春深作意紅十二闌干清

晝永茶烟徐送一簾風

李瓊臺

字玉媛江西廣昌人○玉媛所適匪偶抑鬱以卒

短短床

短短床何遍仄展郎足不可得非無流蘇珊瑚鈎
貯在空箱減顏色

王堯華

雲南大理人○堯華工楷
書尤善畫松筆力蒼勁

題雙松圖

濃淡生枯落筆難龍鱗皺起墨雲蟠草亡木卒知
多少矯矯雙松傲歲寒

范德芳

字聖韶河南河內人知縣照藜文
教諭趙邃室著有襲芳閣詩鈔

春雪

正始集

卷十九

四

紅香館

五出冰花墜紛飛拂面來漫憐寒禁柳應賞冷舒
梅樹樹銀妝葉家家玉作臺謝庭詩句好咏絮愧
仙才

范德俊

字琇望德芳次妹諸生紀
樂室著有雙桐蔭齋韻言

送弟南行有感

弱弟省親行握手我相送欲寄問親安未語心先
痛老父居皖江追隨祇僕從兒女俱北歸晨昏有
誰奉時勢復齟齬寤寐常縈夢願假雙飛翼此行
與君共

范德娘 字婉珍德芳三妹舉人劉秉權室著有橘杆草

朝來

朝來嬾畫眉旭日上窗時小病能驅俗閑愁最助
詩隔簾花影亂過午鳥聲遲試問司香婢爐烟篆

幾絲

楊

芸 字蕊淵江蘇金匱人郎中芳燦女同知秦承需室○按芳燦字蓉裳有才名蕊

淵幼承庭訓博學工詩兼善填詞得元人旨趣又曾輯古今閨閣詩話為金箱薈說

陳雲伯大令為之序

題葉小鸞疎香閣集後 小鸞前明才女集名返生香

正始集 卷十九

五

紅香館

瓊雲散影仙姝泣海上桃花幾回碧十二飛樓弱
水西返生香斷何從覓空留妙句寫烏絲鏤雪團
香絕妙詞千古玉臺遺跡在鮑家小賦謝家詩吟
邊想像人如玉林下風清絕塵俗巧掠鳴蟬薄鬢
青雙描出繭修蛾綠姊妹聯吟擘彩牋疎香妝閣
冶春天芭蕉影裏風如扇豈惹梢頭月乍弦一家
詞藻人閒罕雙成合作飛瓊伴午夢初回倚繡牀
晚妝纔試拈花管愛仿官奴寫洛神曾摹周昉畫
朝雲綺琴夜拂銀鉤手金甌朝繡貝葉文吳江波

冷湘娥弔惆悵含嚙不成笑紅縷纔牽幔外緣綠
章已赴雲閒召夜雨燈昏翡翠屏蓮鞦輕躡鳳皇
翎三生慧業知重證一枕遊仙怨早醒貌牀肯下
眞師拜靈姿合受天人戒出世原無不死方忘情
且說無生話懺除綺語竟歸禪穩坐耆尼九品蓮
莫向三山談舊事又勞天上葬神仙

陳淑旂

字繡莊浙江上虞人諸生志學女

晚思

弱質怯春寒名花帶雨看惜花兼惜影不忍倚闌

正始集

卷十九

六

紅香館

干

徐

簡

字儒珍江蘇陽湖人諸生周儀灝室著有幽閣詩存

燈花

瘦影搖虛幌依依開向人天風吹不斷雨後看偏

眞冷藻能摘焰孤花別寄春小鬟知護惜不肯別

頻頻

郭

氏

山西神池人諸生張非熊室

永訣

紛紛淚下仰天呼舉目周親四顧無枕上病扶雙

幼女家閒事囑一癡奴中年身死恩先負遠路人
歸興已孤獨有一般心最痛自慚老蚌未生珠
人世長辭未足嗟但憐夫主在天涯病因抱恨嘗
撐腹死爲含冤亦錯牙寂寞身猶沉水石飄零女
似覆霜花殘宵一息奄奄候更有何人問碧紗

黃蘭雪

字香水江蘇荆溪人諸生伍
楊燦母著有月珠樓吟稿

看竹

亭午入修篁頓覺煩襟滌手香新粉黏衫翠濃陰
滴無風院亦涼幽賞寧知寂

正始集

卷十九

七

紅香館

秋興

地僻行人少幽居興若何碧苔經雨長黃蝶入秋
多并袖攤書坐寒幃問字過曉來清思遠風送采
菱歌

姑嫂餅

味擅當湖第一家燈前攜餉說周遮光分瑤雪重
羅麵樣比細梅五出花層疊堆盤疑薦玉芳香入
頰勝餐霞陸姑邱嫂多風調巧製爐頭記歲華

重過泮溪望承雲塔

霜葉新晴紅滿山
畫船記得泊溪灣
亭亭古塔斜陽裏
野鴿無鈴去復還

蘇臺楊柳枝詞

澹沲春光日正遲
晴烟勾惹一絲絲
幾番風信幾番雨
綠到東山短簿祠

陳爾士

字焯卿浙江餘杭人給事中
錢儀吉室著有聽松樓稿

帳房

帷宮遺意裁量新
幾閒幾舍布帛均
不宜謀邑宜謀野
卻以縫人作梓人
軫耶蓋耶隨意指
家具紛紜逐遷徙
兩方展疊是繩床
三足支撐爲曲几
觀風行殿巧者作
容數百人安足錄
君不見屬車九行
行相屬馬上鱗鱗
萬家屋

夜坐懷故山

止戈鄉名在餘杭縣北
吾舊隱地僻少人行
高閣對山起

春雲如草生
庭昏烟影直
石盡澗聲平
此夜一輪滿
相思空復情

江樓晚眺

望江樓外曲江橫
水氣蒼涼暑氣清
坐覺烟雲生

几席何來帆櫓點空明遠山猿嘯月初起古寺鐘
鳴潮未平犀弩雄風今歇絕弄波時見狎童嬰

唐太宗

義旗十八定關中五載旋成混一功象啟玉牀爭
應命卷繡金鏡欲全終高光大業何難及滅札清
風奈不同更嘆禍機潛倚伏更衣竟日閉深宮

輯歷代后妃表成詩以落之

王政蘭閨始

范蔚宗后妃贊班政蘭閨
注蘭林殿名故言蘭閨

嬪風竹素

貽二千年往復三五月盈虧歷歷區賢佞悠悠迭

正始集

卷十九

九

紅香館

盛衰帝皇權或假紀傳體分歧虹電荒難問蘋蘩
鑒在茲法宮明德冠內則長孫垂孝養崇長樂訐
謨下寶慈當熊樹奇節觀象式清規秋扇班姬感
春華左妹摛是家名不朽幾輩寵忘危傍輦多愁
態傾城詔艷姿流珠教記曲娥綠慣顰眉縹緲芭
蕉影蒼涼琥珀思鍼神工刺繡機絕妙牽絲閱武
堂楊柳涪州驛荔支簪留龍蕊貴袖拂鳳髻宜續
命琵琶奏迴波栲栳詞批章黃案側稱制白紗帷
北第捐弦誦東朝侈宴嬉杜根空諍直董養任嗟

咨銀鹿疇能設倉鵬詎可鑿鏡中希悟主方底忍
埋兒色授應階腐才升亦受疵由來通險謁終見
覆邦基進退誠紛若遭逢信有之焚椒寃太甚擣
附獄誰治莫慰含飴慕徒懷削脯悲宣仁滋謗牘
顯肅誤歸期破碎瑤光錦凋殘玉樹枝輿停過廟
日刃脅渡河時紅葉飛無定瓊花落已遲偷生甘
事虜練行乞爲尼喪亂同漂梗微祥恰驗著鑄金
胡弗就服赭類前知射卜門屏雀妖占產帳鴟徽
音猶示異靈澤孰修祠戚晚仍恩遇侯封各指撝
正始集

卷十九

十

紅香館

園林摹禁囿鼓角向邊陲沙麓潛成莽天元竟啟
隋嬰蚡爭施奕珧濟等誅夷隆替如碁置愚蒙效
管窺景濂編未備遷史法堪師校寫晨披翰參詳
夜熬脂張楊從辨族宏本總傳疑諛頌剛劉毅簧
言著郝隨蹟尋梁采女貞闡蜀昭儀

詳見本表

末學繚

緗隘旁行粉墨施武韋眞倚伏邢尹漫妍媸斷代
興於漢何人化自岐寸心衡得失還詠二南詩

沈素存

字冰懷浙江仁和人
鹽運司經歷程觀室

春日卽事

如豆青梅日漸肥
新裁白紵試春衣
柳花不耐東風暖也脫輕綿處處飛

鄒蕙貞

字蕊珠江蘇無錫人知縣鳴鶴姪女諸生溫容成室著有慎餘齋詩稿○按鳴鶴字鍾泉道光壬午進士工詩文蕊珠早卒鍾泉序其集梓之

老柏庵聽琴

萬感忽然寂古桐聲更幽
梅花三十樹一夜下西樓
月作長空水風吹大海
秋曲終應有贈才愧古

潮州

金陵懷古

正始集

卷十九

十一

紅香館

龍盤虎踞鎮金湯
六代銷沉翰墨場
詞賦幾人餘感慨江山終古闕
興亡西州城外空青草東冶亭邊又夕陽
太息前朝宮殿地而今瓦礫臥牛羊

秋閨

四壁吟蟲一樹蟬
可憐近緒總凄然
滴殘夜雨心同碎
照冷孤檠夢不圓
無力藕絲愁易斷
多情蓮子苦爲緣
藥爐經卷蕭閒甚
剩有詩懷病未捐

西施

蠡種工謀國
君王日臥薪
報吳無計策
只倚浣紗

人

月

癡心徧人照怨圓復怨闕憐人受人怨切莫如明

月

顧

翎 字羽素江蘇無錫人

題女史鄒蕊珠慎餘齋稿

天風吹散赤城霞小謫人間夢綠華成佛生天誰
解得漫彈湘淚問梅花

冰絲已斷冷秋蛾慧業猶傳錦字多欲擲金梭寫

正始集

卷十九

十三

紅香館

離恨倩誰流得到銀河

陸

珍 字佩瓊江蘇元和人和人邵元齋室著有繡餘草

虞美人花歌

亞夫空碎鴻門玦鴻門劒斫神龍脫神龍掉尾楚
山崩紅粉英雄盡流血鎧光閃閃殺氣昏願碎香
魂劒三尺情根不斷種化生化作千年土花碧芳
名不改昔虞兮丹心猶向重瞳泣漢家陵寢近如
何恨紫愁紅滿南國

毛蘭生

字晚芬號初庵江蘇陽湖人諸生楊廷選母著有初庵詩鈔

寄子

樓頭乍見月如鈎鈎起離情爲遠遊賣賦天涯緣
負米年年誰慰倚閭愁

姚

廣西臨桂人同知朱鳳森室○按鳳森字韞山嘉慶辛酉進士與氏同工填詞會合譜有才人福十二釵等

曲子琦舉道光辛卯解元

三元詩

并序

嘉慶二十五年庚辰春闈 殿試題名錄

見桂林陳繼昌字哲臣以解元掇會狀相
國陳文恭公宏謀之元孫也余昔遊伏波

正始集

卷十九

三

紅香館

山還珠洞見前明正德二年雲南按察司
副使包裕石刻詩云巖中石合狀元徵此
語分明自昔聞巢鳳山鍾王世則飛鸞峰
毓趙觀文應知奎聚開昌運會見臚傳現
慶雲天子聖神賢哲出廟廊繼步策華勛
後註云伏波巖有石如柱向離石二尺許
識云巖石連出狀元至是石將連矣詩後
四語與陳狀元名字適合一奇也夫子喜
而作詩余亦效顰云爾

桂林山水甲天下歷朝鼎甲冠諸夏唐乾寧二年甲寅狀元趙

觀文南漢白龍元年乙酉狀元梁崑宋太平興國八年癸未狀元王世則皇祐元年己丑狀元馮京

開禧元年乙丑狀元毛自知 榕門相國五世孫翰苑文章齊董

賈伏波玉柱一枝連可知狀元生自天粵西鄉黨

為之羨小試三元已在先夫子云哲臣小考縣府院試皆第一時謂小三

元三元古今雖疊有三千年桃十丈藕張又新崔

元翰彤廷對策文章煥孫何王曾暨宋庠郁乎一

代文明昌復有楊賓王巖叟英風勃勃登名場願

為金室孟宗獻勿為元室王宗哲黃甲由來勸忠

正始集 卷十九 十四 紅香第

孝此衷何以勵臣節有明商輅眞賢臣加以黃觀

為兩人又見何渙陳堯叟談蒼軼事君知否南部

新書武翊皇亘古文名傳不朽我

朝釀化慶覃敷五星連珠光海隅辛丑湘船錢學

士後先輝映

楓宸趨統計三元十有七茲喜哲臣名第一遙望

榕門培遠堂廉吏有後信今日

高 簞 江蘇元和人舉人朱綏室著有繡篋小集

春日吟

去年春風花滿堦抱病孤負花前卮一年惆悵掉
頭過今年又值花開時庭花對我有憐意爛漫似
發含春姿春來兮何處春去兮何之去何速兮來
何遲飛花一夜颺春夢杜鵑嗟爾啼空枝

春來

春來何處最關情一半垂楊一半鶯不定曉烟空
鎖恨易闌殘夢慣聞聲草飛蝴蝶愁千里風冷棠
梨月二更欲把相思寄流水小樓深夜坐調笙

林文貞

字韞林福建莆田人王
安期室著有韞林偶集

正始集

卷十九

十五

紅香館

暮春濟寧道上

老樹深深俯碧泉隔枝依約起炊烟再添一箇黃
鸝語便是江南二月天

劉苑華

廣東香山人
郎中何藻室

辭姊妹

同作花下根復作葉前花花中七姊妹並蒂復連
丫盈盈二八月引蔓如蓬麻春風時見面秋月明
珠華一旦離長蔓裊裊天之涯北杪戀南條風飄
素雲遮柔條與綠葉望望長風沙

朱芳 字浣芳江蘇江寧人舉人
管同室著有浣芳軒詩

悼小姑

心如皎月貌如霜不學繁華不艷妝
短夢豈知隨蝶化高堂空此痛珠亡
將開畫篋先垂淚未展蘭箋已斷腸
更是傷心厨下去調羹還遣阿誰嘗

蘇如蘭

順天大興人知州履吉
女弟著有紉蕙山房草

刺繡

靜處深閨習女紅翻來舊譜恨相同
從頭重訂新花樣繡折金針恐未工

正始集

卷十九

一六

紅香館

湯繡娟

字湘綠浙江錢塘人汪問
樵室著有蘭雪軒遺草

咏几上水仙

翠旗斜曳金枝簇春冷花宮琢瓊玉
髣髴瀟湘解佩人淩波冉冉羅裳薄
晶簾穿透明月光甜香一縷凝幽房
梅花帳底吟懷澹竹葉窗前清夢長
烏皮几置黃磁斗勝賞瓊閨肯孤負
搖搖銀燭照明窗一酌寒泉當清酒

夜坐小窗聞雨

夜闌人寂靜風竹響瀟瀟鏡影紅星綻
爐香碧篆

搖愁深知酒淺寒峭惜花嬌巷陌明朝霽開簾杏
雨飄

澹月

鏡影籠雲葉虛庭澹夜光易迷三里霧頓失半林
霜蝶夢憐衰草花魂滯短牆廣寒何處認羅幕掩
明妝

喜席姝怡珊書至

去從蜀道泝江行今見齊烟九點輕人覽山川誇
眼福天教脂粉壯詩情傳來尺素殷勤甚宛接清
正始集卷十九

七

紅香館

玉蝶梅

淡雅得空色精神玉比妍羅浮月中影化作縞衣
仙

七夕

人間天上總良宵雲作橫河鵲作橋誰與黃姑鬪
眉嫵一彎新月帶秋描

浦君香

江蘇嘉定人諸生王文溥室著有君香
遺稿○君香性至孝姑歿哀毀過甚越
十日卒其舅毓山重其
孝爲序遺詩而梓之

懷晚君姊

無語心如碎花開怕捲簾離愁似新月一夜一痕

添

返棹婁江作

風景無端轉眼更故鄉回首不勝情莫嫌水淺歸舟晚滿載離愁也不輕

湯湘芷

字佩芬浙江仁和人貢生鄒志路室著有桐蔭書屋詩鈔靜好樓倡和詩企翁

詞○佩芬
工小楷

偶作

正始集

卷十九

十六

紅香館

軋軋九張機機上朱絲錯織成璇璣圖文章在闥

閣

秋夜聽姑母彈琴

銀雲淡淡銀河明月光入戶如水清珠簾十二垂
瓏玲出入簾罅烟痕青抱琴小鬟來娉婷鼓琴者
坐當前楹金徽玉軫瑤華釘落指拂拂微有聲一
絃初按聲一停七絃齊作同一鳴忽然大聲驅雷
霆忽然細響吟螭螟忽翻商調喧鼓鉦忽奏羽律
吹竽笙忽如獨鵲盤蒼冥忽如旅雁爭沙汀抑揚

高下與重輕遲速緩急歸和平環而聽者耳盡傾
忽然斂手告樂成餘音絃外猶泠泠滿堂寂靜無
喧爭此非俗響遂與箏足寫風雅陶性情惜我不
學手爪生成連海上舟空橫聽彈此曲神則寧敢
書長句當載賡書罷出視光熒熒天上惟餘太白
星

迎月

月出不知處漸移花入簾清光澄皓宇選坐到深
檐如水淡可掬著衣寒不嫌迎涼原有地竹罍影
正始集卷十九

十九

紅香館

織纈

書聲

琅琅幽韻徹深宵百遍推尋萬遍敲但覺芬芳雙
頰滿恰如珠玉九天拋古人已往聲猶在吾耳能
聰聽不泯記得閨中談女訓班姬一卷手親鈔

題花灘漁隱圖

花圍淺水水圍灘一隻漁舟兩釣竿此是鹿門偕
隱意旁人悞作畫圖看

葛

覃字文娥江蘇長洲
人著有還讀齋稿

遣興

燕語鶯啼午夢驚
篆烟裊裊繞簾輕
病餘不耐吟
芳草却展紅箋記藥名

朱

森 字樹芳浙江嘉興人諸生孫志鈴室
著有梅花溪詩詞○妹筠亦工詩

新秋遣懷步秋鴻女史韻

暮雲低樹小窗幽
桐葉隨風報早秋
欹枕嫩涼侵
薄袖捲簾衰柳舞
危樓幾聲鴻雁星
千點半楊琴
書月一鉤閒撥爐灰無箇事
別離情緒笑牽牛

李星池

字淑儀湖南湘陰人博
士疇女諸生楊詩塲室

正始集

卷十九

三

紅香館

月夜聞笛

小立閒階靜凭闌
看月明忽傳清韻起
不覺白雲
生池水浮紋定棲鴉
晚樹橫曲中忘夜永
何處感
離情

秋夜懷兄湘中

冷露下湘江兩岸寒
蟲訴明月映蘆花
孤舟泊何
處

孫玉田

字藍仙江蘇崑山人知縣銓女舉人汪
炳恩室○按炳恩為女史潘虛白第三

子與藍仙琴瑟和諧克盡孝道
未幾藍仙以疾卒聞者惜之

思親

久別庭闈歎遠離不知何日有歸期昨宵枕上思親夢猶是牽衣泣別時

汪

字瑟友浙江錢塘人詹事潤之女陸憲會室○瑟友為女史潘虛白女薰習慈

訓一門風雅姊妹情字琴德亦能詩

得鶴珊四兄家書

雁影分飛久匆匆又暮秋相思隨日遠惜別付波流月冷憐圓鏡霜高感徹裘音書今已到稍慰倚

門愁

王始集

卷十九

二十一

紅香館

丁

山東諸城人鍾大文室○氏嫁甫數月而大支殛其姑以痛子致疾氏侍湯藥

維謹姑愈氏日可以畢吾志矣乘閒欲鹽滿家人以藥解之得不死氏恚甚不食十

四日死斂時於衣笥中得此詩時道光壬午正月二十四日也又同時有日照舉人

丁佩蒼女亦以殉夫盡節山左人謂之雙丁佩蒼與大兒麟慶同舉鄉試嘗為賦孝

烈行以弔之

別父母絕句

夫死難獨生兒將歸黃土父母鞠育恩請俟來生

補

于

山東新城人諸生張廷敘室

夢題萬峰山

一桁青山倒碧波空中去住白雲多靈槎朱許漁
人泛惟我曾經夢裏過

袁希謝

字寄塵江蘇吳江人王元煒
室以節賜旌著有素言集

病况

孤燈照影覺淒涼扶病歸來心暗傷欲慰高堂憐
惜意強將湯藥對親嘗

寂寂菱花畫不開任教兩鬢亂雲堆可憐六載流
餘淚咽向喉閒化血來

正始集

卷十九

三

紅香館

吳孟嘉

字維則安徽桐城人方
鳳朝室著有秋山樓稿

春草

碧窗深處綠含香暗吐新芽日漸長細雨無人生
小院曉風吹夢入橫塘飛飛好鳥偏凝翠片片名
花似點妝借問春來江上水王孫曾否憶瀟湘

華文若

字春洲江蘇金匱人同知瑞潢女俞柳
漁室○按瑞潢字秋槎罷官後隱居西

湖段橋北之德生菴春秋佳日攜一童遨
遊湖山間二十年咸以為神仙中人春洲
適俞九載而窈以清節稱吳生金陸其甥
也索稿付選春洲秘不肯示強之後可金
陸字蔣香以難廕授雲騎尉不就宿學
能文屢試未遇現客大兒麟慶幕中

汝寧旅舍晚秋偶賦

羈愁歸思兩茫茫回首鄉關總斷腸
長夜明星將替月小池冷露欲爲霜
砧聲斷續敲深巷桐影扶疏露短牆
恰喜鄰娃解岑寂一枝長笛韻悠揚

夢遊西湖醒而有感

夢裡停橈選勝遊段家橋畔漫凝眸
青山綠水依然在怕見當年舊寓樓

黃兆蘭

字景木順天大興人舉人夢鶴女知縣清年繼室○按清年字泰菴能詩文

燕

正始集卷十九

三

紅香館

穠桃艷李正繁華小巷寒深未見花
最喜捲簾來燕子春光有主問誰家

許瓊鶴

字芝仙山東濟寧州人諸生許夔臣姪女○按夔臣字山臞以詩名會輯女史詩爲雕華集待梓翁繡君女史借以相示余因得津逮但原選未免專尙風華爾

燈花

靜夜垂簾坐燈花艷小窗穠華輝繡帙
春色上蘭缸結蕊環連九連枝鏡映雙
爲誰占喜事坐待曉

鐘撞

國朝閨秀正始集卷二十

完顏暉 珠珍浦輯 女孫金粟保校字

顧太清 字子春漢軍人多羅貝勒奕繪側室 冊封福晉。按貝勒別號幻園居士禮

賢好學尤 精內典

送居士遊盤山

欲訪招提境巉巖緩着鞭野花藏細路亂石出新
泉鳥自雲中下僧從谷口還晚來禪院宿應遇贊

公賢

和居士雨後過南院韻

正始集 卷二十

紅香館

霖霖雨蹤止崢嶸雲勢奇好風吹細麥落日在疎
籬遠寺暮鐘動深林棲鳥遲清歌一長嘯獨立欲
何之

秋夜

開窗對明月斂膝撫幽琴蟲語三更促西風一夜
深寒蟬咽清露老樹抱秋心會得冷然趣高懷託

古音

題王蒙關山蕭寺畫

霜氣淨林陬寒鴉集成樓江關楓樹老歲月畫屏

秋返照見蕭寺亂山生暮愁河閒題句好珍重墨
林收

題陳松濤女史畫

江南江北草如烟涼在微青澹墨邊三十六陂春
水濶柳花飛滿釣魚船

吳江秋色上漁船罾網初收夕照邊一片楓林穿
落日最深紅處起村烟

鍾

素

字漣漪浙江山陰人訓導李步瀛室○按步瀛字康皆工詩文屢試不遇尊甫

恆園先生與先舅大人爲莫逆交比夫子宦浙中以憂罷職宦况清苦往來山陰

正始集

卷二十

二

紅香館

均主其家深感先生一家高誼檢舊篋得此故亟登之

庚午春日送珍浦姊北行

論交聯兩世林下接芳徽自是前緣重休言後會
稀燕山青正遠浙水綠初肥無限臨歧意心隨帆
影飛

張

漪

字墨花號柳塘河南祥符人訓導運景女諸生汪象賢室著有翠筠館集

春曉

曉起怯春寒晨光上畫欄偶來風裊裊初墜月團
團開鏡梳雲髻依帷整素紈隔簾香暗度應是放

幽蘭

昭君

駿馬雕鞍出雁門琵琶幽怨向誰論漢宮寂寞蛾眉老用以和番正帝恩

高儀鳳

字秀芝漢軍人給事中鸚女○按鸚字蘭墅別號紅樓外史乾隆乙卯進士與

大兒麟慶同官中書為忘年交贈句有云終賈暫教遲侍從絲綸原不負文章真靈位業依然在愧我頭顱鬢已霜嘉慶甲戌大兒為余刻紅香館集蘭墅會製序焉

題紅香館集後

趨庭記當日大集我先吟句麗花為骨思清玉作

正始集

卷二十

三

紅香館

心紫洋洋漲遠紅鳥靄春深欲問生前果茫茫何

處尋

主人文集中有紀夢一篇言曾夢至一處孤嶼浮海蓮花在望有人告以前生係紅香鳥

妙蓮菩薩前掌書侍女偶謫人間故自繪紅鳥護書圖且以紅香名館云

鮑文芸

字伴香安徽歙縣人諸生文林女弟○文芸為程生煒鐔內戚詩即生所代呈

煒鐔字伯廉大兒守徽郡時府試第一尋來汴留幕中以疾送歸

題紅香館詩集後

才華誰第一香奉太夫人蜀國黃崇嘏唐宮宋若

莘江山供點染格律自清新任昉溪頭水安輿好

問春

昉溪為梁太守任昉奉母行春處後人思之名曰昉溪今太守多惠政故云

翁

瑛字繡君號朝霞江蘇吳縣人主簿金堤
室著有朝霞閣集海曙軒草○繡君工
畫筆墨疎秀會繪百花及白雲圖二長卷
深得家南田翁筆意閩閣傳觀題咏甚夥
余亦贈句辛卯秋又寄示江山雪霽圖長
卷氣韻雄秀畫學益進因作古歌贈之

雲

鍾阜白雲起青天夕照暉浩渺散碧落飄飄上翠
微倚船弄秋水水涼雲欲飛雲知入岫去君行何
日歸

題白寫桐陰教子圖

崑山產良玉雕琢成圭璋我子負聰明髫年戒嬉

正始集

卷二十

四

紅香館

荒炎炎長夏日課讀桐陰旁展卷清風來開軒胸
膈涼繪蓮近君子虛心學修篁雲歸山自在樹遠
夕陽黃寸陰良可惜慨然祇自傷熊丸非奇事晝
荻亦尋常所難在兩子仲郢與歐陽夫子重道德
志每慕柴桑兒曹勤學業瑾瑜發奇光官出讀書
貴名由世澤長寫我劬勞意手澤兒好藏荷風與
竹露披圖自有香

嫁婢

六年調教漸堪觀解抱孩提解種蘭滌硯未能如

我意作羹聊可待賓餐小鬟隊裏閒言易大婦堂
前出語難贈汝一雙壘敞耳此行端許得平安

舟行

西風江上月明多昨夜揚帆發翠蘿高枕濤聲來
荻港青山無數夢中過

管

筠字湘玉浙江錢塘人知縣陳文述側室○按文述字雲伯有才名

題繡君女史百花卷子

雲裳月珮各清華斑管凝香綉彩霞知我性耽禪
悅慣毫端多寫妙蓮花

正始集

卷二十

五

紅香館

汪

端字允莊浙江錢塘人同知陳棐之室著有自然好學齋詩集○按棐之字小雲工詩卽雲伯子允莊深於詩學會選前明三十家詩爲初二集知人論世卓爾大家

孫節婦詩

節母程孀于孫閱六載琴瑟敦夫天亡妾無子死
從夫生何恃墮樓不死神扶持投繯復被旁人知
舅姑來向婦泣兩叔未娶親髮白汝夫不幸歸黃
泉汝宜代夫盡子職舅姑言終婦淚流婦敢先死
貽親憂良人地下姑少待此身暫爲雙親留下撫
兩叔上侍舅姑數年月照羅幃孤夫已墓木拱妾

亦淚眼枯嗟哉兩叔相繼歿舅姑心摧婦泣血所
遭竟如此天心詎可測鸞我嫁時釵開我鏤金箱
爲翁置妾延烝嘗叔生未幾翁姑亡孤嫠弔影增
淒涼族中鬼蜮憑陵久煢煢衰門妾獨守叔長娶
婦婦舉男妾抱字之夫有後晝荻丸熊心力瘁兒
年十八遊泮水兒遊泮母心喜可見舅姑夫子矣
六十八年完節身生固非生死非死嗚呼立孤難
死節易嬰與杵當年事處易不得迺處難請看桐
鄉節母茹荼志巾幗鬚眉固無異

正始集

卷二十

六

紅香館

秦溝粉黛磚硯歌

涇邑某氏藏古硯澄泥也紅白青翠斑剝
錯落若珠璣上有建業文房印余忠宣銘
注以爲秦阿房宮溝宮人傾粉澤脂水所
成洵異物也紀之以詩

南唐硯山不可見人閒猶賸南唐硯香姜銅雀久
銷沈幻出秦宮雲一片六國蛾眉競曉粧歌臺舞
殿起阿房星熒明鏡驪山遠漲膩凝脂渭水香四
圍錯落珠璣細粉暈斑斑黛痕翠臨波想見卷衣

人玉姜艷逸文馨麗深鎖長門卅六年魚膏銀海
閨重泉御溝空照秦時月春水流花冷暮烟楚人
一炬悲焦土留得殘磚碧苔古建業文房好護持

鍾山小隱風流主金縷應填絕妙詞新聲曾譜恨
來遲紅羅亭榭瑤光殿知付娥皇付保儀一行題
跋忠宣筆昆刀細劃龍山雪早春獨殿賦梅花不
礙廣平心似鐵何處香花識舊墩百年流轉到清
門松烟寒滴蟾蜍淚蘭篆紅銷蜥蜴魂秦臺未到
吹簫處秦山尙有宮人墓澄心堂紙玉管毫夜燈

正始集卷二十

七 紅香館

還寫阿房賦

研北雜志袁伯長藏
有李後主玉管筆

翁大人得隙地於孤山爲菊香小青兩女士

修墓並建蘭因館其上爲夕陽花影樓樓

左爲綠陰西閣以祀小青右爲秋芳閣以

祀菊香先是爲明女士楊雲友修墓於智

果寺因以附祀遍徵海內題詠哀爲蘭因

集端亦賦四律

鄭家嬌婢解吟詩和靖風流想見之遺址誤尋高

菊磻

翟晴江湖山便覽以菊
香墓爲高菊磻墓非也

前身應是謝芳姿踏

青春訪瓊姬墓

朱竹垞葉燮毛稚黃皆曾訪之

飛白宵題玉女碑

諸九鼎為墓誌

更乞茂漪書一過簪花楷法妙臨池

翁大

乞曹墨琴夫人書

焚餘詩草返生香遺集真應號斷腸齊國淑妃原

著姓

馮姓 蔣家小妹是同鄉

廣陵人 鏡湖桃葉鷗盟遠

女弟紫雲歸會稽馬髦伯

畫閣梅花鶴夢涼

屏居孤山別業 最憶橫波

摹小影眉樓一角寫斜陽

顧眉生曾摹小影 此詠小青

又見楊娃小印紅容華才筆麗驚鴻

容華楊盈川女姪 叢

殘著錄留湖上

詩見張遂辰湖上編

輕薄嫵緣說意中

李笠翁撰

正始集 卷二十

八

紅香館

意中緣傳奇謬說也

謝逸畫圖寒翠晚

謝彬嘗摹雲友及林天素小像 汪倫

潭水夜星空

雲友天素嘗客汪然明春星草堂

依然智果西頭路

絕勝仙霞萬點楓

雲友死天素乃歸閩中 此詠雲友

碧城壇坵久名家多少蛾眉禮絳紗仙子玉鑪三

澗雪美人湘管一枝花隔湖香塚秋飛蝶映水紅

樓晚噪鴉更訪吳宮雙玉墓牡丹廳畔竹陰斜

人近營瓊姬紫玉墓於虎邱塔院之牡丹廳下瓊姬閩閩女亦名勝玉又作勝玉紫玉夫差女亦名

玉小

畫蘭曲題梁溪女冠韻香畫蘭長卷

韻香姓王名嶽

蓮能詩文工
小楷善畫蘭

清楚魚山夜月寒
松花如雨落仙壇
綺窗初試金
壺墨寫罷靈飛更畫蘭

瑤笙吹徹羽衣涼
瑟瑟微波夢碧湘
解爲幽花寫
秋影玉人原是杜蘭香

吳氏

安徽歙縣人

墨

不信灰飛後能教鐵硯穿
古今無限事都付此雲

烟

正始集

卷二十

九

紅香館

熊

好

字孟嫻廣西永康人巡道方受女○按方受字介茲乾隆庚戌進士以詩名與

夫子同官山左最相契洽贈詩成冊又贈聯句云同心綵筆題華袞繞膝宮袍捧壽觴孟嫻其愛女也工書畫因無昆弟侍親不字以貞孝稱

二十初度

廿年歲月強支持
自悔聰明得福遲
秋水精神明月照
青山意氣白雲知
詩粗詎敢稱才女
琴好誰堪作教師
只苦已無慈母奉
臨風淒絕淚雙垂

沈小芳

江蘇吳江人雪樵女○小芳工畫能琴

遊溪莊

去歲看梅梅已謝今春花又不多開東風埋怨梅
花笑不是遲來便早來

景 玉字清如滿洲人舉人景瑞女弟○按景瑞字海峰與大兒麟慶同舉京兆亦工

詩清如兼工繪事

春晚偶吟

偶爾拋針線庭前緩緩行暖風吹綠草飛雨散紅
英院落秋千影鄰家笑語聲清閒無一事誰識此

時情

陸費湘于 字季齋浙江桐鄉人侍郎墀女孫雲騎尉趙貞復繼室○按墀字丹叔乾

正始集 卷二十

十 紅香館

隆丙戌傳臚以詩名季齋詩有祖風貞復字蘇生懷才未遇之士諸孫受業師也
次兒宗侃北上作此示之

松柏生深山芝蘭在空谷不遇人採拾卽同凡草
木男兒苟有志豈甘老茅屋貧賤人所憎富貴人
所欲立身宜及早老大傷時促四海願爲家何必
戀邦族文章可療貧藉以謀寸祿挾策且遊遊遲
汝平生學遊子將遠行阿母愁萬斛連宵不成寐
事事縈心曲南鄰貨疋布爲兒裁衣服燈前密密
縫漏盡再添燭北鄰乞斗米爲兒具飢粥雖難作

餓糧且飽兒饑腹細細理行囊一一檢書篋一肩
輕且便祇願行程速去去嗟道遠山重水更複不
爲饑寒驅胡遽離骨肉旣憐年尚少復愁行路獨
世故須閱歷人情多反復舉足如履冰守身如執
玉謙和人所欽狂妄自招辱尙宜讀詩書切弗嗜
糟麴阿母難細言兒當自勉勸到京語阿父阿母
雙鬢禿不愁久別離愁無隔宿蓄阿兄無所事日
取破書讀阿嫂性溫良家室稱雍睦阿妹如嫂長
亦知慕賢淑阿恩初學步嶄然見頭角丁寧復丁寧
正始集 卷二十
二 紅香館

寧相向吞聲哭兒身千里行母心千里逐蚤寄萬
金書慰我倚闥目

歲暮遣懷

風雪促歸鴉城頭起暮笳驚心聞爆竹幽意卜燈
花貧極身偏懶愁多鬢已華連宵渾不寐怕有夢
還家

秋色

翠袖生寒起暮愁蒼茫風景轉清幽露光月色天
街淨蘋葉菱花水國秋蓮褪紅衣經雨浴雁排奇

字貼雲流繞籬叢菊開何晚瘦蝶冷塀一晌留
暮春

九十韶光轉眼非小園風景倍依依流鶯無賴呢
初曙芳草多情戀落暉紅雨一庭蝴蝶夢綠雲幾
疊鷓鴣飛游絲亦解留春意縮住殘花不放歸

寄外

疎雨微雲落木初思鄉憶遠渺愁予倚欄數盡天
邊雁擬獲平安一紙書

陸費思溫

字玉如季齋妹沈福榮室○玉
如于歸未半年而寡旋以疾卒

正始集卷二十

十三

紅香館

白牡丹

魏紫姚黃各擅名那知別有貌傾城拂來畫檻風
偏冷看到瑤臺月倍明本色文章原潔淨天然富
貴不驕盈洛陽佳種誰能比相對襟期與我清

吳規臣

字飛卿江
蘇金壇人

題自畫水仙

輕施淡粉寫花神色相原來總未眞仙骨珊瑚誰
是伴前村深雪一枝春

陳筠湘

字琳簫江蘇長洲
人諸生施君珊室

題潘星齋秀才詩稿並呈琇卿女史

領得烟霞趣高吟少俗緣清風來竹外微雪點梅
邊詩意靜如此畫情何處傳鷗波亭子上趙管是
神仙

秋雁

洞庭昨夜逗微霜回首天涯合斷腸瞥眼無非黃
葉渡安身除是白雲鄉流年逝水催何速病翻西
風怯乍涼一宿荒池菱芡密雙棲猶得傲鴛鴦
一行秋影渡銀河又向滄江尾棹歌增繳有人何
正始集 卷二十 七 紅香館

太急稻梁昔歲已無多忽驚葭葦花如雪正是關
山月始波早識天南蕭瑟甚剋峰陡絕悔經過

陸韻梅

字琇卿江蘇吳縣人諸生潘會瑩室○
按會瑩字星齋芝軒尚書仲子也克承
家學與兄功甫弟紱庭以吟咏相尚星
齋又得琇卿爲配神仙佳耦人艷稱之

蜀鏡詞

寒潭夜靜秋寂秋波一片洗秋色三十二字蛟

螭蟠土花鏽遍苔花碧王家阿婦顏如花綺窗繡

幌春雲隔傳紅寫翠承君恩瑤臺月下含霜白五

斛螺描十樣眉芙蓉花映梅花額芳林園內悵東

風雙鸞舞罷蟾蜍蝕狎客愁聽楊柳詞宮人誰譜
霓裳拍嘉王憂國涕橫流禹卿上書詞切直可憐
金鑑失千秋蛾眉一笑傾人國

題女史徐比玉花卉冊

東風消息到還無應倩鷗波粉本摹留得香痕紅
一捻半簾春影夢蘼蕪

莊盤珠

字蓮佩江蘇陽湖人舉人
吳軾室著有紫薇軒集

咏晉史

鐵鎖消兵後羊車縱樂時兒癡原果報婦毒竟流

正始集

卷二十

古

紅香館

離荆棘銅駝泣風沙石虎移百年征戰裏何地不
瘡痕

潘煥嬪

字伴霞湖北羅田人知縣煥龍女兄諸
生郭時潤室著有漱芳閣詩鈔○按煥
龍字四梅工詩原配鄭翠蓉繼配楊琴珊
俱能吟咏與姊妹唱和相得洵風雅萃於

一門
矣

寄綺青浣芳兩妹

料侍高堂養團樂不支嫂賢殊勝姊兄友可兼
師夜月花千樹春風酒一卮憐予定相憶曾否有

新詩

上巳小雨

山光潑翠水拖藍此日人家話養蠶柳絮桃花春
九十雨絲風片節重三鶯藏葉底黃都溼蘭采巖
中綠正酣天氣釀寒微送冷庇身猶覺薄綿堪

小游仙

綠衣騎馬色無倫玉蕊開時艷照人天上名花多
異種問渠何事愛紅塵

天厨肴饌自來精鳳脯麟肝玉椀盛偏是兒家甘
淡泊只茹芝草兩三莖

正始集卷二十

七

紅香館

萬樹仙桃結實稠園中金鎖付予收昨宵阿母殷
勤屬莫遣東方得再偷
吐飯成蜂驚抱朴唾盤爲獺說樊姑漫將狡獪矜
奇術我亦能拋米作珠

潘煥榮

字綺青
煥媿妹

別伴霞姊

高堂隨侍赴河陽道路迢迢戀故鄉最喜依兄花
滿縣却憐別姊雁分行酒緣作餞心難醉人到臨
歧話倍長此後加餐須自愛莫聽風雨憶聯牀

潘煥吉

字幼暉煥榮妹
諸生郭元勳室

看花

小院名花鬪艷開攀花微步破蒼苔一枝折寄河

陽去付與安仁著意栽

時兄選
海川令

楊清材

字琴珊浙江歸安人貢生知新女知州
炳堃妹知縣潘煥龍繼室著有碧筠樓

草○按知新字拙園有才
名炳堃字蕉雨亦工詩文

張

紅日侵晨出遠林窗前靈鵲繞枝吟勞君為我關

情切喜事臨門早送音

正始集

卷二十

去

紅香館

李清輝

安徽阜陽人貢生春林女弟著有蕙草
堂雜咏○清輝適甯生生不才家產蕩

盡乃以女紅供甘旨比翁姑歿積財數年
始得營葬一女早寡又大歸相依現年六

旬自課幼孫仍以刺繡餬口辛卯夏春林
公車過汴清輝以繡詩相寄余哀其遇而

重其才品因亟登之按春林字醇
甫大兒麟慶守潁郡時所拔士也

呈珍浦太夫人

工詩何至使人窮自笑身窮詩未工錦字織成秋

女怨葵心傾向大家風星逢明月光原小海納濁

流量自洪附驥好期聲共遠聲聲腸斷可憐蟲

榆錢

幾陣東風過榆錢滿院投收來無處使只可買春
愁

冬日

風冷寒鴉滿樹霜清靜掩柴門魂向當年消盡如
何又覺消魂

惜春

病體支持倚畫欄春衫袖薄怯輕寒妒花風雨魂
消盡無數飛紅滾作團

刺繡

正始集

卷二十

七

紅香館

只理香絨不理粧金針停刺細思量而今多慳閒
花草聊檢新詩繡錦囊

咏菊

風風雨雨又重陽籬畔花開朶朶黃到底金英眞
傲骨荒寒不改舊時妝

錢聚瀛

字斐仲號餐霞女史浙江秀水人布政
使寶甫女諸生戚士元室○斐仲工畫

放言

白雲出沒山之巔中有仙客如枯禪眸子炯炯衣
蹠蹠粲然啟齒呼我前我憎凡俗再稽首仙人隔

雲更招手呼爾來勿爾咎海邊明月難常圓仙子
豈無塵中緣今來適爾謫數滿攜爾且住滄海邊
充賜魚肉應厭飫藥苗芝草常新鮮人間濁酒那
可飲何如山中一勺飛來泉荆山之鼎紫金之丹
授爾寶訣能延年丹成服食皆神仙翻然駕鶴冲
高天不知天闕近但覺天風寒兩行天樂遙相引
調笙握管乘青鸞下窺塵世在何所黃雲白霧交
漫漫下臣有一語願得上帝然不作朱門之貴客
願作蓬萊之雲烟

正始集

卷二十

六

紅香館

懷陸費李齋表姊

重逢應有喜何事轉生悲我已愁如許君今鬢有
絲縱圖良晤久先恨別離時擬卜牆東舍終身共
咏詩

憶昔聯牀夜相攜意最慙更闌頻剪燭興到總論
文落拓誰憐我知心獨有君莫嫌書札杳操紙思
續紛

單

氏 山東高密人通判可玉
女給事中王璋慶室

月夜病中偶成

拚將瘦骨寒得此倦眸豁不知更有身表裏洞冰
雪

郭漱玉

字六芳號瓊泉湖南湘潭人知縣汪璫長女諸生羅喬年室著有繡珠軒稿

題閨賢畫冊 錄四

貧賤古人重富貴古人輕今人慕富貴勞勞累一

生不若老萊妻投畀無世情

右萊妻投畀

豔妝更布裙三日入庖厨此眞梁鴻妻一笑偕隱

吳誰言富家女嫁易輕其夫

右孟光舉案

養姑姑無食乳姑姑無嫌點點妾心血請姑嘗苦

正始集

卷二十

九

紅香館

甜翻笑元紫芝乳姪人稱賢

右唐氏乳姑

幸遇淮陰侯酬恩報千金不然一飯耳名豈到于

今男兒當自奮閨閣有知音

右漂母飯信

論詩

玉溪獺祭非偏論長吉鬼才亦妙評儂愛湘江江

水好有波瀾處十分清

鴻纜印雪便留跡絮不能飛爲染塵偶對菱花悟

詩境分明是我却無人

今古才人一例看端莊流麗并稱難桃花輕薄梅

花冷占盡春風是牡丹

郭潤玉

字昭華號笙愉一號壺山女士漱玉
妹舉人李星沅室著有簪花閣稿

花朝

雨絲風片度深宵樓外烟籠柳萬條添得瑤闥好

詩料春光一半到花朝

百花生日日遲遲恰是東風二月時蛺蝶也知春

富貴雙雙飛上海棠枝

程

字意萱浙江仁和人諸生鼎女史悠慎
室○按鼎字方雨能詩文工篆隸屢試
不遇曾客大兒麟慶幕中意萱
其愛女也早寡無子以苦節稱

正始集

卷二十

三

紅香館

古意

蒼蒼山中柏裊裊根下蘿蘿惟柏是施固結交枝
柯沐浴雨露久漸磨風霜多弱質附其上相期千
載週如何中道棄勁節萎山阿已矣失所託雖生
亦婆娑

懷家大人

有竹不能語含情誰與言洛雲山隔影江月夜臨
軒俸薄交多厚官卑品自尊十年違定省何日奉
晨昏

李靜華

字凝香江蘇陽湖人諸生文鉦女典史廖壽孫室○按文鉦字聞泉十試北闈屢薦未售曾爲夫子司筆札繼客大兒麟慶幕中相依最久壽孫字禹卿爲畫史廖

裴舟子亦會客幕中者

虞美人

無窮幽怨對重瞳一劍酬恩楚帳中千古貞魂留
碧草低迴猶自舞春風

王玉芬

字華雲安徽婺源人鹽運使鳳生女同知嚴遜繼室○按鳳生字竹嶼年逾五十無子華雲矢志不嫁將終身事父會竹嶼得子乃以禮譬喻始適嚴公子其純孝

正始集

卷二十

三

紅香館

歲暮送嚴親于役省垣

此別知非遠偏難膝下離愁過忙裏日驚見鬢邊
絲風雪年光暮關河羽檄馳朱顏誰駐得歸計未
應遲

自歎

回首年華去似梭思親老境苦消磨顯揚到我知
無分珍重光陰膝下過

嚴

迢字子織浙江仁和人河道總督煨女著有琴餘小草○子織年甫十四工琴聰穎過人師事女史許孟淵講習詩法及操縵之學所造正未可量

夜坐

深院沉官鼓秋心到候蟲捲簾看明月人影在梧
桐

汪增安

字吉衣浙江錢塘人知縣應培女
典史徵康女弟著有停雲小草

喜雪

紛紛密洒遍堦墀正直芸窗弄筆時莫笑才華慚
咏絮過庭曾許與聞詩

張

藻字蘭芳浙江錢塘人巡道志鑑女縣丞
沈本室○蘭芳早寡工書畫流寓江南

又遭水患
以苦節稱

正始集

卷二十

三

紅香館

月夜過高郵

千戶田廬七里城長堤如綫托蒼生共看帆楫來
天際直覺人家住水晶兩岸漁舟頻笑語一泓烟
月自虛清此邦都是忘機客見慣風波了不驚

查

氏號瑤溪廣西臨桂人諸生
羅宸室著有芙蓉池館集

和霞妹

家貧端不倩人憐鎖自寥寥思悄然新闢小園閒
種菊秋來不費買花錢

楊淑媛

字幼荃福建邵武人知府兆璜女○按
兆璜字古生與大兒麟慶同舉鄉會試

留別金華官署

幾載妝臺護碧紗無端踪跡又天涯
明年春雨春烟裏孤負疎簾慘杏花

陳毓英

字素芳河南信陽州人主事雷朝恩室

桃花谿

芳草芊綿路幾叉春來兩岸盡桃花
漁舟徑入渾無迹欲傍仙源度歲華

李如蕙

號桂泉女史廣東香山人

里中諸先生湖亭雅集有詩見貽并傳牋命

正始集卷二十

三

紅香館

作卽次亨齋夫子韻答之

幸叨名輩贈新詩許我騷壇領一旗
彤管愧非班固妹絳帷欣得鄭元師
湖亭卽事成歌咏朽木逢春仰護持
祇恐栽培勞化雨樛材終屬女郎姿

汪瑤芳

字若蘭安徽懷寧人布衣張偉室著有繡餘小草○若蘭工山水筆致蒼秀

病起述懷呈外

病後身心懶金針久不拈
有才天最忌無累夢翻甜
伴我書千卷窺人月一簾
閒吟雖信口多半爲君占

君占

除夕感懷

誰家爆竹頻催臘，顧我山厨轉禁烟。且喜饑懷無俗累，興來吟到老梅前。

倩

如 山東濟寧人，中書李大峒家婢。

紀夢

孤燈欲盡夢分明，雨雪聲中夜四更。一縷心旌無著處，人間天上兩愁城。

對菊

心肝具有卽愁根，冷雨能銷怨女魂。舊夢難尋秋

正始集

卷二十

三

紅香館

又老黃花仍發去年盆

唐靜嫻

號種玉田婦，江蘇南匯人。諸生李根室著，有瀉珠閣稿。○靜嫻工書，所臨靈飛經爲世寶。重性至孝，母病，亟會割臂以療疾，果愈。

讀閨秀詩有感

靈氣入胸臆，化爲文與情。雖曰兒女流，亦令風雨驚。謝詩何足道，班史留其名。苟非聖賢心，才重身已輕。多謝脂粉儔，立品防譏評。筆端務繁艷，何以

對太清

